

CONVOCATORIA PARA O SERVIZO DE MEDIACIÓN DENTRO DO PROGRAMA LABORATORIO DE INNOVACIÓN CIDADÁN 2017 DA CONCELLERÍA DE PARTICIPACIÓN E INNOVACIÓN DEMOCRÁTICA DO CONCELLO DA CORUÑA

1.- INTRODUCCIÓN

O Concello da Coruña, a través da Concellería de Participación e Innovación Democrática, ten entre os seus obxectivos desenvolver programas de participación e innovación social de cara a mellorar a vida das persoas e facer unha cidade máis igualitaria.

De cara a acadar este obxectivo a Concellería de Participación e Innovación Democrática abriu o programa “Laboratorio de Innovación Cidadán” (Co-Lab), espazo de produción de coñecemento a través de grupos de traballo e investigación para impulsar procesos de participación cidadá e innovación cidadá e buscar unha transformación social, que contribúa ao desenvolvemento cultural, social e económico da nosa cidade.

Un paso para poñer en marcha este “Laboratorio de Innovación Cidadán” é esta convocatoria para a contratación do servizo de mediación que terá como función principal buscar vínculos entre proxectos, persoas, organizacións e programas realizados en ou polo Concello da Coruña que teñan como finalidade principal a participación e a innovación social.

2.- OBXECTO

Esta convocatoria ten como obxectivo a selección de SEIS persoas físicas ou xurídicas que desenvolvan o servizo de mediación coas funcións de acompañar, vincular e mediar entre proxectos de participación e innovación social do Concello, outras organizacións, empresas, colectivos e persoas individuais da cidade.

Ademais deberán garantir un acompañamento aos proxectos que se apoian a través dos contratos resultantes da convocatoria para a realización mediante contratos menores de proxectos de participación e innovación social dentro do programa “Laboratorio de Innovación Cidadán 2017” da Concellería de participación e innovación democrática e ás actividades relativas ao dito programa.

A adxudicación dos traballos á proposta mellor valorada realizarase mediante resolución da Concelleira de Participación e Innovación Democrática e formalizarase mediante contrato menor, conforme ao establecido no artigo 138 do Real Decreto Lexislativo 3/2011, do 14 de novembro, polo que se aproba o texto refundido da Lei de Contratos del Sector Público (TRLCSP).

3.- PARTICIPANTES

De conformidade co art. 54 do TRLCSP, poderán concorrer as persoas naturais ou xurídicas, que tendo plena capacidade de obrar non estean incursas nas prohibicións de contratar reguladas no art. 60 do TRLCSP e que se dediquen profesional ou empresarialmente a actividades relacionados co obxecto do contrato.

Requisitos de admisión:

- Experiencia en proxectos de coñecemento aberto, innovación social e participación cidadá.
- Manexo de ferramentas dixitais de comunicación, documentación e traballo colaborativo e en rede.
- Experiencia de traballo en equipo e dinamización de grupos da persoa que se adscriba ao contrato.
- Coñecemento da cidade da Coruña, do tecido de iniciativas cidadás e organizacións da mesma.

4.- DOCUMENTACIÓN QUE TEÑEN QUE ACHEGAR OS/AS PARTICIPANTES:

- Carta de motivación e expectativas (extensión máxima de 500 palabras)
- Curriculum vitae e/ou porfolio da persoa adscrita ao contrato
- Memoria de intencións á hora de abordar unha proposta de mediación para proxectos de innovación social en relación coa cidadanía en xeral, coas áreas do Concello e coas organizacións e entidades da cidade vinculadas á innovación social. A extensión máxima do texto será de 1.200 palabras. Nel deberanse desenvolver os seguintes apartados: idea principal, obxectivos, colectivos cos que se propón traballar, conexión coa veciñanza, coas organizacións e coas diferentes áreas do Concello, posibles actividades para desenvolver e resultados esperados.
- Declaración responsable de cumprimento dos requisitos de admisión regulados na cláusula anterior cubrindo o seguinte modelo:

"DECLARACIÓN RESPONSABLE:

D./D^a..... con DNI

domicilio e correo electrónico

en nome propio ou en representación da empresa á que represento no procedemento de adxudicación do contrato menor do servizo de mediación dentro do programa "Laboratorio de Innovación Cidadán 2017 da Concellería de Participación e Innovación Democrática do Concello da Coruña",

Declaro que cumpo coas condicións establecidas legalmente para contratar coa Administración e cos requisitos de admisión establecidos na cláusula 3^a desta convocatoria e que estou en posesión da documentación que o acredita e comprométome a presentala no caso de ser requirido para iso.

5.- PUBLICACIÓN DA CONVOCATORIA E DA IDENTIDADE DAS PERSOAS SELECCIONADAS

A presente convocatoria e a identidade das persoas físicas ou xurídicas seleccionadas publicaranse na páxina web da Concellería de Participación e Innovación Democrática (<https://www.coruna.gal/participacion/es>) e no perfil do contratante do Concello da Coruña.

6.- PRESENTACIÓN DAS CANDIDATURAS

A solicitude, xunto coa documentación requirida, presentárase por algunha destas vías:

- a) Presencialmente, na Concellería de Participación e Innovación Democrática, (sita no Palacio municipal, praza de María Pita, 1, 2ª planta).
- b) Por correo electrónico remitíndoas ao correo electrónico: participacion@coruna.es

O **prazo** de presentación de candidaturas será de 10 días hábiles desde o día seguinte ao da publicación desta convocatoria na páxina web municipal e no perfil do contratante.

7.- PROCESO DE SELECCIÓN

No proceso de selección valorárase a carta de motivación, o curriculum e/ou portfolio e a memoria presentada, o coñecemento do tecido de iniciativas cidadás e organizacións da cidade da Coruña, área metropolitana e de Galicia en xeral, as propostas que fortalezan as liñas de traballo e os proxectos que xa están en marcha na Concellería de Participación e Innovación Democrática, e a capacidade comunicativa para labores de mediación.

Así mesmo, de considerarse necesario, realizarase unha entrevista ás persoas candidatas.

A valoración será realizada polos técnicos municipais que designe para o efecto a concelleira de Participación e Innovación Democrática.

8.- ORZAMENTO E PAGO

O orzamento total dos seis contratos de mediación é de 21.750 € (ive engadido) e imputárase á aplicación orzamentaria 80.924.227.06.

As persoas mediadoras recibirán cada unha delas unha dotación económica de 3.625€ (ive engadido) pola realización da totalidade das súas funcións.

9.- PRAZO E HORAS DE DEDICACIÓN

O prazo dos contratos menores abranguerá desde a adxudicación dos mesmos ata o fin do ano 2017.

As persoas mediadoras deberán desenvolver as súas tarefas cun tempo mínimo de dedicación, que consistirá nunha media de 15 horas semanais, aínda que non se distribuirán necesariamente de forma proporcional, senón atendendo ás necesidades de traballo en cada etapa do contrato.

10.- FUNCIONES DAS PERSOAS MEDIADORAS

- A cada persoa mediadora se lle atribuirá un proxecto para acompañar, visibilizar, facer seguimento, axudar nas actividades e no seu correcto desenvolvemento en todas as súas fases.
- Realizar conexións entre estes e outros proxectos da cidade e do Concello.
- Difundir o proxecto do Co-Lab así como buscar e organizar espazos de comunicación, vinculación, información e visibilidade do Co-Lab en xeral e do proxecto atribuído en particular.
- Continuar o mapeado de axentes de innovación social de Galicia na forxa do Co-Lab dentro da ferramenta Emapic e vincularlos ao proxecto atribuído.
- Participar activamente nas actividades do Co-Lab en xeral e do proxecto atribuído en particular.
- Promover a diversidade na participación das actividades do Laboratorio de Innovación Cidadán facendo fincapé naqueles colectivos que actualmente están menos presentes.
- Xuntanzas periódicas co resto de persoas mediadoras e co equipo de Participación e Innovación Democrática para o seguimento dos labores de mediación.
- Promover a posta en marcha de novos grupos de traballo e comunidades que teñan intereses vinculados ao proxecto Laboratorio de Innovación Cidadán e ao proxecto atribuído.
- Compromiso de transmitir a experiencia ás persoas mediadoras do ano seguinte nunha xornada pública.

A xefa da Sección de Participación
Fdo.: María Teresa Vázquez Portos